

Martinengio, qui subsidia Tamassum importabat, in itinere extincto, Baleonius de primo in eam Turcarum impetu, rumoribus in dies percrebrescentibus, permotus, cum minime inde discedendum censeret, Dandulus Rochasium Baleonii loco Leucosiæ copiis eadem cum auctoritate præfecit; Leptitano Comiti tormentorum, Joanni Singlitico equitum Cypriorum, Joanni Sozomeno fossorum, Scipioni Carassæ, ac Petro Paulo Singlitico agrestium præfecturam attribuit; Leonardo vero Ronconio imperium Italorum militum detulit; quorum sane virtuti cum in primis Cypri tuendæ spes niteretur, inopportune acciderat, ut, plerisque vario morborum genere conflictatis, aliis extinctis, impar ad belli impetum sustinendum eorum numerus haberetur. Cui malo domestica incolarum militia in supplementum adhibita occurrere Dandulus statuit. In Tamasso idem militum defectus; nam ex duobus, qui cum Martinengio conscenderant, millibus, mille ac trecenti tantum incolumes pervenerant, quorum major fere pars labore, ærumnisque itineris confecta, tractandis armis parum idonea censebatur; duo millia septingenti ac triginta externi tantum milites adnumerabantur; iis Bragadenus ex ordinibus mille ac quingentos addiderat.

Mustaphas, qui Phœniciam, ut copias in Cyprum asporteret, appulerat, cum per exploratores adhuc Corcyræ detineri Venetorum classem cognovisset, Pialim ad exercitum e Cilicia in Cyprum traducendum misit. Kalendis vero julii e Papho primum Turcica classis inspecta inter Curium promontorium, ac Limissum in anchoris stetit. Emissi, qui circumjectam regionem popularentur, Divi Nicolai cœnobium, tres propinquos pagos, ac Limissum ipsum diripiunt. Quinquaginta Epirotæ equites, Turcarum confertæ multitudini impares, in penitiora loca leviori pugna certantes se se recipiunt. Interea Petrus Rondacius, Epirotarum dux, qui a Papho prætervectam classem Turcicam legendo litus insequutus fuerat, cum centum equitibus supervenit, sibi quinquaginta, de quibus diximus, conjunctis, in hostem impetum facit, ple-rosque cædit, tribus captis, reliquos sese recipere compellit. Hostes ad classem reversi, noctu ad Salinas iter dirigunt, ac quinto nonas julii litus tenent; equites centum, peditumque

1570

*Turcica
classis in
Cyprum ap-
pellit.*

*Turcæ ad
Salinas in
Cyprum ex-
scendunt.*

ma-